

堅

瓠

集

堅瓠四集卷之四目錄

嘉禾行

題書櫥

行樂歌

鄭所南

焚書坑

七賢過關圖

退園

旗亭小飲

桃暗李明

趙子昂

落葉

五嶽山人

唐六如

聶壽卿

半夜雞

終南別業

垢仙

錢振芝無題詩

夜雨詞

安南國人

神童詩

侍婢續詩

周文襄賑饑

吟詩高士

歲交黃鶯兒

王雨舟官詞

應制詞

上糖多令

索寵姬

張芸叟

王仲澤

寄文格詩

依樣葫蘆

提學來口號

咏田字

批奪山牘

王簫宮詞

白梳月

張壁娘

絕糧無袴

綢巾

譏袁柳庄

譏趙師舉

題祠堂

曾屈相詭

夢攜酒樓

雪和尙

題純陽像

李陸相戲

犯夜賦詩

祝沈對

成化對

對隱古人

四時四方對

英史對

楊一清對

何燕泉

劉招山詞

心字香

一子三教

日影詩

堅瓠四集卷之四

長洲石農道人獲學稼纂輯

嘉禾行

嘉禾行徐武子先生勸修先賢楊南峰遺
塚而一峰名循吉字君謙成化甲辰進
士弱冠登科年二十九而致仕登甲榜者
六十三年八十有九而歿葬於閭門外泊
平後嗣湮沒丘壠荒蕪武子先生於先朝

庚午辛未間倡議修之不意鼎革之後落
於丐棍孫壽之手毀域拔樹種菜澆穢近
且露其棺槨行路傷心而有力者不顧也
武子先生復欲起而修葺之故作詩以告
同志云當年偶踏嘉禾路訪友造門多不
晤皆云釀酒其登舟去掃梅花道人墓名
流勝士無不然如此一年還一度我思道
人誠足賢迄今妙技尙爭傳倘令有言更

有德蒸嘗丘壠猶同旋吾吳君謙揚儀部
少登黃榜性嗜古居曹砢砢性讀書每當
得意多狂舞因是咸稱主事顛末滿三旬
歸閉戶結廬支硎正南峯經史浩瀚無不
通內典外典及禪乘一一貫徹羅胸中會
求直言無可報人所畏言偏入告疏請復
建文年
號武廟南巡試樂府兩番宣呼皆應詔力
辭官爵愿放歸貧困益深逾癖傲縉紳達

士皆慕各望廬却步那敢造落莫失意尤
晚年奇窮凱髀心還堅自爲生誌發孤憤
平生懷抱耶披宣將登九十乃辭世著書
種種留人間吁嗟先生負奇癖年猶未壯
捐策赫立言立品不尋常雅操孤高世難
匹景仰堪追曠逸風豈徒一藝存陳跡可
憐遺塚僅存留郭外荒涼土一抔瓜菜園
人鋤隧道牛羊牧塋上墳丘拋棺槨鄴須

更事男子有心宜好義鄙夫目擊爲心傷

四十年前願欲償

修葺在崇禎庚午辛未間文相國題語如新後

以鼎革廢

今日掉頭無應者漫問先生可姓楊

因思雅道嘉禾士筆墨風流猶享祀故塚

安全數百年拜掃於今還未止文行高賢

在里中漠然棄置乃如此自是堪嗟鄙俗

腸若見禾人定羞死咄嗟人瘦尚可肥果

然士俗不可醫真報相貽應不爽勿隨世

俗兒真癡武子先生名樹丕吳縣諸生善
八分書年八十有八而卒

題書櫥

楊君謙致仕歸讀書支硎山南華寺聞有
奇籍多方圖致手自抄錄嘗題書櫥云吾
家本市人南濠居百年自我始爲士家無
一簡編辛勤一十載購求心頗專小者雖
未備大者亦略全經史及子集無非前古

傳一一堅紙裝辛苦手自穿當怒讀則喜
當病讀則痊恃此用爲命縱橫堆滿前當
時作書者非聖必大賢豈待開卷看撫弄
亦欣然奈何家人愚心惟貨財先墜地不
肯拾壞爛無與憐盡吾一生已死不留一
篇朋友有讀者悉當相奉捐勝遇不肖子
持去將鬻錢

行樂歌

行樂歌云春臺冉冉圍青竹春夜沉沉秉
華燭鸚鵡盃未停琵琶聲已續君當爲曲
海上歌妾當獨唱江南曲江南曲聲未足
池中鴛鴦兩兩接江頭鳬鴨雙雙宿勸君
莫待髩邊華勸君莫負杯中醪君不見紫
蘿山上月如珠錦石屏前人似玉人生年
少須盡歡莫待形骸空結束空結束慢蹉
跎青山碧草容易過白髮茫茫君柰何

鄭所南

宋旣亡鄭所南改名思肖隱居長洲之承
天寺終身不娶時時向南慟哭爰作心史
沉於寺之狼山房井中歷四百餘年至崇
禎戊寅仲冬僧濬督井而其書始出鐵函
重匱錮以聖灰啓之則楮墨猶新有咸淳
大義中興等集久久書及雜文其憂鴛湖
晚步詩云豈獨吳王事可憐人生回首總

淒然空嗟落日猶如夢不記東風幾換年
寶駕跡消前古地菱歌聲斷晚來船如今
城郭多遷變茅屋荒顏草積烟春日登城
詩云城頭啼鳥隔花鳴城外遊人傍水行
遙認孤帆何處去柳塘烟重不分明春詞
云春氣暄妍御夾紗玉釵雙鬟綠雲斜倚
闌看遍庭前樹盡是枝頭結子花懷友云
今日尊前忽憶君爲憐秋事又平分坐來

凝睇西風久過盡天邊數片雲春日遊承
天寺云野梅香軟雨初晴來此閑聽笑語
聲不管少年人老去春風歲歲闌闌城闌
愁云畫眉夫婿客遊梁獨理瑤琴山水長
莫上翠樓憑檻望陌頭無數碧垂楊睡覺
有懷云千古英雄人不見一樓風雨夢初
回空中變化觀龍見世上淒涼誤鳳來又
鳳凰身宇宙麋鹿性山林天下皆秋雨山

中自夕陽等句其感慨一寓之於詩又有
隱居謠曰布衣暖萊羹香詩書滋味長

焚書坑

唐章碣題焚書坑云竹帛烟銷帝業虛關
河空鎖祖龍居坑灰未燼山東亂劉項原
來不讀書陸文量客詩云焚書只是要人
愚人未愚時國已虛惟有一人愚不得又
從黃石受兵書

七賢過關圖

七賢過關圖姓名相傳不一元唐愚士詩
云七騎從容出帝閭寒驢驄馬雜山獐瀛
洲學士叅差出十八人中一半人廣川書
傳謂七賢者李白李欣之遜孟浩然綦
毋潛裴迪司馬承禎出關訪王維明初夏
節暨姜南云是開元間冬日李白李華張
說張九齡王維鄭虔孟浩然出藍田關遊

龍門寺遇雪鄭虔圖之槎溪張輅詩二李
清狂狎二張吟鞭遙指孟襄陽鄭虔筆底
春風滿摩詰圖中詩興長益指此也虞邵
庵集題孟像詩有風雪堂中破帽溫七人
圖裏一人存之句郎仁寶七修謂三說皆
非且云春秋有七人建安有七子唐有七
愛宋有七老未嘗稱賢也惟晉竹林七人
稱賢耳且王戎嘗乘驪山濤乘驢劉伶乘

鹿車餘則乘馬鹿車或誤畫爲牛也按羅
烏帽亦晉人所戴唐則巾矣元曹文以伯
啓集有七子圖詩云清譚飄逸事凌遲七
子高風世所師公室傾危無砥柱服牛乘
馬欲何之此一証也陸儼山玉堂漫筆云
七賢疑卽竹林七賢耳屢有人持其畫索
題觀其所畫衣冠騎從當是晉魏間人物
意態若將避地者或云卽論語作者七人

國朝集
卷四
像也錄之以俟博識

退圃

蘇東坡爲俞康直郎中作所居四咏中有
退圃詩一首云百丈休牽上瀨船一釣歸
釣縮頭鱗圃中草太知無數獨有黃楊厄
閏年其於退字略不發明而休牽上瀨歸
釣縮頭黃楊厄閏則曲盡退字之妙此詠
題之三昧也

旗亭小飲

開元中王昌齡高適王之渙齊名時風塵
未偶而遊處畧同一日天寒微雪三人共
詣旗亭貰酒小飲有梨園伶官十餘人會
讌三人因避席隈隅擁爐火以觀俄有妙
妓四輩續至奢華艷曳旋奏樂皆當時名
部也昌齡等私相約曰我輩各擅詩名不
自定甲乙今密觀諸伶所謳詩多入歌者

爲優俄一伶拊節而歌曰寒雨連江夜入
吳平明送客楚山孤洛陽親友如相問一
片冰心在玉壺昌齡引手畫壁曰一絕句
尋又一伶謳曰聞篋淚沾臆見君前日書
夜臺何寂寞猶是子雲居適引手畫壁曰
一絕句尋又一伶謳曰奉帚平明金殿開
強將團扇共徘徊玉顏不及寒鴉色猶帶
昭陽日影來昌齡又畫壁曰一絕句之渙

自以得名已久因謂諸人曰此輩皆巴人
下俚詞耳陽春白雪俗物豈敢近哉指諸
妓中最佳者曰待此子所唱如非吾詩終
身不敢與子輩爭衡矣須臾雙鬟發聲則
歌黃河遠上白雲間一片孤城萬仞山羌
笛何須怨楊柳春風不度玉門關之渙卽
歡飲二子曰田舍奴我豈妄哉因大諧笑
諸伶不喻其故皆起詣曰不知諸郎君何

堅瓠集

卷四

故歡噱昌齡等因話其事諸伶競拜乞俯就筵席三子從之飲醉竟日

桃暗李明

韓退之有詩云江陵城西二月尾花不見桃惟見李風採白揀雪羞比波浪翻空香無已誠齋詩序云桃李同時而退之詩云不見桃花不可解偶因晚眺登碧落堂望隔江桃暗而李獨明乃悟其妙

趙子昂

趙孟頫以宋室賢才失身北仕楊州春市
琵琶別調矣然而哀音離黍故國淒涼未
嘗不纏綿四韵中也嘗作聞擣衣詩云露
下碧梧秋滿天砧聲不斷思綿綿北來風
俗猶存古南渡衣冠不及前昔猶總肥宛
駮裏琵琶曾沒漢嬋娟人生俯仰成今昔
何待他年始惘然又作絕句云春寒惻惻

掩重門金鴨香殘火尙溫燕子不來花又
落一庭風雨自黃昏 梅花開盡雪飄零
楊柳青青春水生一夜東風吹雁過江南
江北故鄉情

落葉

茗谿漁隱載劉義落葉詩云返蟻難尋穴
歸禽易見窗滿廊僧不厭一箇俗嫌多鄭
谷咏柳詩云半烟半雨谿頭畔閒杏間桃

山路中會得離人無恨意千絲萬絮惹春風觀此二詩乃落葉及柳之謎語也

五嶽山人

錢塘田汝成記云蘓州黃勉之

省曾

風流

儒雅卓越罕群嘉靖戊戌嘗試春官予過吳門談西湖之勝便輟裝不北上來游西湖盤桓累月勉之自號五岳山人其自稱於人亦曰山人予常戲之曰子真山人也

癖耽山水不顧功名可謂山興瘦骨輕軀
乘危涉險不煩筇策上下如飛可謂山足
目擊清輝便覺醉飽飯纔一溢飲可曠旬
可謂山腹談說形勝窮狀奧妙含腴咀雋
歌咏隨之著易牙調味口欲流涎可謂山
舌解意蒼頭追隨不倦搜奇剔隱以報主
人可謂山僕備此五者而謂之山人不亦
宜乎

唐六如

唐子畏

寅

一字伯虎號六如謂取佛氏之

說乃蘓門公廬有六如一如深溪虎一如
大海龍一如高柳蟬一如巫峽猿一如堦
丘雀一如瀟湘雁其說更脫灑有意趣予
畏旣廢棄詩云一失脚成千古笑再回頭
是百年人又絕句云五陵鞍馬少時年三
策經綸聖王前零落而今轉蕭索月明香

口一簑烟壽王少傅詩云綠簑烟雨江南
客白髮文章閣下臣同在太平天子世一
雙空手掌絲綸所用石記曰龍虎榜中各
第一烟花隊裏醉千場有風流遁一書皆
青樓中遊戲語惜不傳○桐下听然華學
士鴻山寮艤舟吳門見鄰舟一人獨設酒
一壺斟以巨觥科頭向之極罵旣而奮袂
舉觥作欲吸之狀輒攢眉置之狂叫拍案

因中酒欲飲不能故也湯山注目良久曰
此定名士詢之乃唐解元子畏喜甚肅衣
冠過謁子畏科頭相對談謔方洽學士浮
白屬之不覺盡一觴因大笑極歡日暮復
大醉矣當談笑之際華家小姬隔簾窺之
而笑子畏作嬌女篇貽鴻山鴻山作中酒
歌答之後人遂有傭書獲配秋香之誣袁
中郎爲之記小說傳奇遂成佳話又子畏

同祝京兆醉坐生公石見可中亭有貴人
分韵賦詩乃衣籃縷如乞兒倚柱而聽數
刻未落一韵格格苦思句成二人相視而
哂貴人怒曰乞何爲者豈能詩耶對曰能
解元口吟京兆操觚須臾數百言有七里
山塘迎曉騎幾番春雨濕征衫之句擲筆
索酒酣飲而去貴人驚異以爲遇仙對人
詭稱之後知之漸悉卒有棘闥之謫

聶壽卿

臨川聶壽卿大年工詩詞書兼率更承旨
兩家以薦授長洲仁和教官一目重瞳硃
眇謂聶長身紫髯博通經史秋闈考文四
省交聘咸以病辭景泰中徵修通鑑綱目
未入館病卒翰林諸公惜不獲一見時童
大章在坐素善滑稽因曰不必識其人彼
但多一耳少一目而已衆爲闕然蓋聶姓

三耳而壽卿眇一目也其醉後跌起口占
有老我不勝金谷罰傍人應笑玉山頽之
句有詞曰楊柳小蠻腰慣逐東風舞學得
琵琶出教坊不是商人婦忙整玉搔頭春
筍纖纖露老却江南杜牧之懶爲秋娘賦
又粉淚濕鮫綃只恐郎情薄夢到巫山第
幾峰酒醒燈花落數日尙春寒未把羅衣
着眉黛含顰爲阿誰但悔從前錯又花厭

鬢雲低風透羅衫薄殘夢瞢騰下翠樓不
資金釵落幾許別離愁猶自思量着欲寄
蕭郎一紙書又怕歸鴻錯

半夜雞

唐人以半夜雞鳴爲不祥來鵬曉雞詩云
點黯嚴城罷鼓聲數聲相續出寒樓不嫌
驚破紗窗夢却怕爲妖半夜啼但寒雞半
夜則啼今止以黃昏及雌雞啼爲不祥

堅瓠集

卷四

末

丁

終南別業

碣石剩談長安雍世隆
泰別業去終南不一舍
甚有幽致有尋訪留題
壁間者云中丞別業壓
秦川非郭非村小洞天
樹底好山當屋上源頭
沂水過門前吟邊風月
詩三百靜裏乾坤壽八
千只恐春雷天外震等
閒驚起老龍眠未幾有
詔起復亦詩識也

垢仙

垢仙姓吳吾蘓市人也生於萬曆甲申二十以前踪跡未定每行市中群兒勦之呼爲狗仙乙巳始赤身矣人與之食有享有不享與錢亦然享者受者其家必有吉祥善事先依朱姓後依王姓席地趺坐晝夜擁爐酷暑無汗暗坐無蚊體不沐而無穢氣髮成結而無鬢風臘月浴水孔中夏日

熾炭逼身遠近觀者絡繹不絕兩耳中通
左右洞颺日則緘默夜間笑語鄰人云虛
室若有往來者不飲酒而茹葷半幅圍腰
以蔽下體人欲以新者易之弗願也虞山
顧宦北上夢人語曰郡中顧家橋有異人
宜問其行藏受公禮此行如意否則且無
貲轡也顧訪之見其蓬首垢面改爲垢仙
贈之不受叩之不荅顧脉脉去入都遂羅

璫禍又有浙宦攜二子偕一客來訪各以
百錢爲壽仙低徊不視強之僅取其子者
各二十一枚餘皆峻却宦與客怏怏而去
後則向人索錢矣人皆曰仙亦改其素乎
或曰此風會使然彼不過游戲三昧耳較
之衣冠中白晝暮夜攫取無厭者不仙凡
哉而仙意不可雖與之終不受也順治乙
酉正月廿九日度世年六十有二金閭里

人沈寄員名鍾者篤信之一日夢仙造其
家曰吾今往醒而心動越一日趨視端坐
尸解顏色如生覺口中有香氣相襲寄員
不欲壞其真身捐貲買水銀合殮置龕坐
之倡率建庵以奉仙靈今像在婁門內老
君堂中蓋仙混跡人間一旦厭五濁惡世
彈脫而去豈因時移世換頓超塵累凡緣
乎若寄員者可謂契合者也

錢振之無題詩

錢振之尚濠有無題詩云碧雲飛處隔蓬
萊香徑烟銷種綠苔夢裏關山何日到書
中鴻雁幾時來園香和就相思淚碾玉難
成百艷胎自是人閒惆悵事劉郎辛苦憶
天台自來消息兩茫然畫損雕闌擲破
錢秋雁書空還有淚春蠶絲盡不禁眠已
無梧葉題長恨空折梅花報可憐一夢揚

州成底事挑燈誰話舊因緣
悠悠魚雁別經時瘦盡江郎髻裡絲
天上有星臨薄命人間無藥治相思
空餘舊恨歌桃葉誰識新詞唱柳枝
十二峯前多少意倩風吹與玉人知
獨立東風空自嗟悵悵暗數昔年華
雲鬟有恨終爲石萱草無歡不耐
花燕子自諄王謝壘馬蹄曾識茂陵家
蒼茫望斷歸來路一寸心中萬里涯
凡材

何計合姻緣誤入三山小有天賦就西廂
飛白鳳夢來神女劇藍田看花和淚思長
好對月傷心說再圓情緒近來言不得夜
深獨自禮金仙浪說歡情不可尋星橋
拆處采雲深窺奩影斷鸞分鏡膩枕香消
玉墮簪一尺難挨回首路千金莫買隔簾
心何年再展雙鸞翼飛上紅樓倚碧琴
浮漚聚散豈爲期零落花魂倦眠低枕上

三更銷夢兩燈前一折買愁詩難將白雪
調蘓小何用黃金鑄牧之二十四番風信
急雕梁春暗絡塵絲 襄王曾伴楚江雲
花使無端惜離群鸞鳳箏中喚小玉鴛鴦
塚上哭雙文淚絲堪織流黃綺雁字誰書
白練裙王粲登樓渾是病暮烟何處問湘
君 腸斷崔徽待月身淚流清血自濡巾
嬌多頃愛情難惻憶久悲歡夢似真簫史

何年憐月姊裴郎鎮日酌冰人惘然愁思
渾無賴一任桃花流水春臨鏡朝來不
欲看情禪何日出邯鄲西陵歌斷鶯花小
南國香消佩帶寒好夢迷天皆薄倖侯門
如海只悲酸歲暮莫問長干路江上烟生
白露圓一歌舞教成十載恩今朝誰識舊
王孫五湖自載吳宮月三峽空歸蜀帝魂
芳草淒迷人事改孤雲明滅此心存曉來

染得相思字半是芙蓉半淚痕

夜雨詞

徐甜齋旅寄江湖十年不歸嘗作夜雨詞
云一聲梧葉一聲秋一點芭蕉一點愁三
更歸夢三更後落燈花暮未收歎新豐孤
館人留枕上十年事江南萬里夢都到心
頭甜齋與貫酸齋同時齊名世號酸甜樂
府

安南國人

桐下所然萬曆辛亥温州盤石衛獲得奪
船二隻凡一百二十人稱是安南國皆環
目黑齒被髮衣袷無幅言語支離不通而
文字不異中國相見以搓手爲敬吹箬葉
作聲有清韵編竹爲舟膠以木葉舟軟如
紙可掬其序立似有尊卑魁然而紅毘盧
者酋長也初見人惟痛哭旣而引見上官

庭下偶答他囚相與惶駭股栗官發置各
僧寺十人爲偶以兵守之未免飢困水土
不服數日後有死者酋長爲詩云微軀飄
泊豈無家只爲蠅頭一念差惜口已曾朝
北闕今朝焉得指南車夢魂自信歸鄉國
骸骨誰憐沒草沙寄語妻兒休問卜年年
滴淚向中華上官見詩稍憐之爲給廩餼
後因遣使封王遂送歸其國

神童詩

宋鄞縣汪洙字德溫九歲善詩賦牧鵝鰲
官見殿宇頽圯心竊歎之題曰頽圯夜夜
觀星象夫子朝朝雨打頭萬代公卿從此
出何人肯把俸錢修上官竒而召見時衣
短褐以進問曰神童衫子何短耶應聲曰
神童衫子短袖大恐春風未去朝天子先
來謁相公世以其詩詮補成集訓蒙爲注

神童詩後登元符三年進士仕至觀文殿
大學士謚文莊子思溫思齊孫大猷皆至
大學士

侍婢續詩

宋趙葵嘗避暑水亭作詩云水亭四面朱
欄遶簇簇遶魚戲萍藻六龍畏熱不敢行
海水煎徹蓬萊島身眠七尺白蝦蟇頭枕
一攸紅瑪瑙詩未成葵卽睡去侍婢續云

公子猶嫌弱力微行人正在紅塵道

周文襄賑饑

景泰五年遣周文襄

忱

賑饑周進本作二

詩致朝士云蕭蕭匹馬過長安滿目饑民
不可看十里路埋千百塚一家人哭兩三
般大街骸骨形將朽鴉啄骷髏血未乾寄
語當朝諸宰輔鐵人聞着也心酸艱難
百姓實堪悲大小人民總受飢五日不燒

三
日
火
一
家
閑
閑
九
家
離
隻
鵝
祇
換
三
升
穀
斗
米
能
求
八
歲
兒
更
有
兩
般
堪
歎
處
地
無
芳
草
樹
無
皮
不
減
流
民
圖
讀
之
酸
鼻

吟詩高士

景
泰
中
吳
郡
大
飢
有
人
題
詩
三
清
殿
壁
自
縊
云
我
年
七
十
遇
三
荒
惟
有
今
年
荒
得
荒
我
今
弔
死
三
清
殿
知
道
來
年
荒
不
荒
至
今
觀
中
大
蘸
必
首
薦
吟
詩
高
士
云

歲交黃鶯兒

錢古民自號林屋道人乙卯丙辰歲交有
黃鶯兒詞云除夜兩蕭蕭掩雙扉歎寂寥
山簡野敎辛盤妙把銀燭高燒把金尊滿
澆慙慙忙禮毛錐道祝來朝硯田豐稔大
有勝今宵爆竹響連宵慶豐年賀歲朝
桃符新換千門曉玉綬梅梢金舒柳條宜
春接福窓前報石灰描平安吉慶添箇大

元寶

王兩舟宮詞

夷白齋詩話吳興王兩舟濟人物高遠奉
養雅潔刻意詩詞其所著有宮詞一卷水
南詞一卷谷應集鐵老吟餘其宮詞尤蘊
藉可喜姑舉一二染指可知鼎中之味矣
其詞云駕幸長春二鼓時提燈馳報疾如
飛上房供奉忙多少才拭龍床布地衣

昨夜閤中進荔枝君王親受幸龍池先將
並蒂盛金盆密賜昭儀盡不知錦標奪
得有誰爭跪向君王自報名宣索宮花親
自插連呼萬歲兩三聲

應制詞

未有翰林直內宿應制作宮娥新幸詞黃
金殿裏燭影雙龍戲勸得官家真箇醉進
酒猶呼萬歲錦茵舞徹涼州君恩與整搔

頭一夜御前宣喚六宮多少人愁後遂挂
彈章以詞臣應制作狎語不得入政府景
德中早秋宴拱辰殿酒酣宮人按舞命中
使詣翰林索新詞夏竦初授館職立進喜
遷竦曰霞散綺月沈鉤簾捲未央樓夜深
河漢截天流宮殿鎖清秋瑤堦曙金莖露
鳳髓香和雲霧三千珠翠擁宸遊水殿按
涼州上大喜未幾罷用榮辱有命信夫

上糖多令

山堂肆考宋史彌遠嘗作半閒亭每泊事
畢卽入亭中打坐有伎人上糖多令詞大
稱其意其詞曰天上摘星班青牛度關
出蓬萊新院宇花外竹竹邊山軒冕倘來
閑人生閒最難美真閒不到人間一半神
仙先占取留一半與公閒

索寵姬

蔡元長南遷中路有旨取其寵姬三人以
金人指名來索也元長作詩贈別云爲愛
桃花三樹紅年年歲歲惹春風如今去逐
他人手無復尊前念老翁

張芸叟

熙寧初王荊公以經義取士元祐後用詩
賦紹聖初復罷之政和中著令士庶傳習
詩賦者杖一百張其叟舜民賦詩曰少年

辛酉校蟲魚晚歲雖重耻壯夫自是諸生
猶習氣果然紫詔盡驅除酒間李杜方投
筆地下班楊亦引車唯有少陵頑鈍定靜
中吟撚白髭鬚

王仲澤

宋王仲澤以才選行人與金議和比再至
楊州有題詩驛亭譏其和事不成云來往
二年無一事青山也應笑行人仲澤亦爲

詩解嘲云二年奔走道途間知被青山笑
往還只向江南南岸老行人因更笑青山

寄文恪詩

沈啓南居相城水鄉年八十餘病將危相
國王文恪公請告歸次日卽遣僮齎書在
候石田賦寄一絕云勇退歸來說宰相此
機超出萬人中門前車馬多如許那有心
情問病翁字墨慘淡遂爲絕筆

依樣葫蘆

陶穀久在翰林意希大用其黨因宣言穀
宣力實多藝祖曰翰林草制皆簡前人舊
本俗所謂依樣画葫蘆耳何宣力之有穀
作詩云官職須由生處有才能不管用時
無堪笑翰林陶學士年年依樣画葫蘆

提學來口號

桑民懌悅口號云提學來十字街頭無秀

才提學去滿城群彥皆沉醉青樓花映東
坡巾紅燈夜照西廂記又教靜之云槐花
黃舉子忙閒時做下忙時用管甚槐花黃
不黃

咏田字

沈啓南周咏田字云昔日田爲富字足今
日田爲累字頭拖下脚時成甲首申出頭
來不自由田安心上長思想田在心中慮

不休當初只望田爲福誰料田多疊疊愁
康熙初吳中田產皆應其言

批奪山牘

韻語晨鐘黃岩有顯者奪民山民訟之時
高材爲令批其牘曰一片青山一片金百
年人有萬年心鴻溝未必常爲限倏忽浮
雲變古今踏遍青山山轉義問山不語奈
山何若無山下累累塚料得爭山人更多

玉簫宮詞

雙槐歲抄臞仙宮詞云忽聞天外玉簫聲
花底徐行獨自聽三十六宮春一色不知
何處月偏明王司綵宮詞云瓊花移入大
明宮嬌旄濃香韻晚風贏得君王留步輦
玉簫遼亮月明中時賢妃權氏朝鮮人善
吹玉簫永樂八年侍上北征還至臨城薨
謚恭獻

白浣月題壁

吳門女子白浣月題任丘旅店壁云妾白
浣月號蓮仿家住半塘幼失雙親寄養他
姓姿容畧異慧業不同非敢擅秀閨中願
效清風林下豈意我生不辰所適非偶日
彈琴之相對百限纏綿時捲幔以言征一
詩哽咽余愛題之驛亭人各憐之黃土可
耳詩曰吳宮春深怨別離風塵慘淡雙蛾

眉腸啼月落寸腸斷香消芍藥空垂垂流
黃未工機上織生小殷勤弄文筆新詩和
淚寫郵亭珍重寒宵誰面壁康熙丙辰三
月廿日商丘朱牧仲舉北上過此挑燈細
讀感慨係之因繫括原詩爲調笑令用貽
好事云面壁淚痕濕想見含毫燈下立風
鬟雨髻吳宮隔芍藥香消堪惜明如遠嫁
歸何日一曲琵琶悽惻康熙戊辰宋公爲

江蘇藩憲有惠政陞任江西巡撫

張璧娘

張璧娘閩縣良家女也歸某半載而夫卒
光麗艷逸妖美絕倫少年慕而挑之者無
不見擯獨愛林子真之才而越禮焉所居
樓上又有複閣使侍婢列子真匿復閣中
往來甚秘子真移家臨清就父公署璧娘
懷想寄詩黃消鵝子翠消鴉簾拂層冰帳

九華裙縷褪來腰束素釧金鬆盡臂纏紗
牀前弱態眠新柳枕上迴鬟壓落花不信
登牆人似玉斷腸空盼宋東家子真覽詩
淹留未歸璧娘感想而歿子真聞之有感
舊詩云梅花屋亂奈愁何夢裏朱樓掩淚
過記得去年今夜月美人吹入笛聲多蓋
璧娘好音尤善吹簫嘗潛詣子真烏石山
房倚梅花吹簫故子真詩記其事

絕糧無袴

義興儲遇一日過金沙鄧孺孝鄧爲言絕糧狀因口占自寬云有口無糧不用愁有糧無口正須憂真人解得其中意煩惱坑中勾出頭儲曰余舊年貧無袴亦有口號云西風吹雨聲索索這隻大腿沒下落朝來出榜在街頭借與有袴人家着坐中多貧士爲之大笑

網巾

貴池劉輿大名廷鑾有十二棄書其咏網
巾云結髮前過十七春憑茲弱冠說成人
蓬頭寧敢加元冕棋服曾看映角巾萬法
羽衣稱統一大綱儒者著經綸截流希解
彌天網散作烟波一釣緡

譏袁柳庄

寧波曹孝廉某題詩譏相士袁柳庄曰英

雄老眼識英雄我正懷疑欲問公九尺曹
交湯九尺重瞳項羽舜重瞳形容何乃一
相似功業如何兩不同須向此中明造化
莫將容易問窮通

譏趙師宰

宋太學生以詩譏趙師宰云堪笑明庭鶯
鷯甘作村莊大雞一日水山失勢湯剝蘗
羹刀剗及侂冑敗或又贈之曰侍郎自號

堅瓠集

卷四

詩

東牆曾學犬吠村莊今日不須搖尾且尋
土窟深藏

題祠堂

會稽郡治有賢牧堂趙師學帥浙東使門
吏陳詞乞增已像兩司狗從之朱萬年題
詩於祠壁曰師學使衆作祠堂要學朱張
與鄭王大鵬飛上梧桐樹自有旁人說短
長

曾屈相謔

崇禎甲戌科屈仲曾亨應二人各以其姓
舉古人相謔曾曰屈到屈原都爲他屈天
屈地屈曰曾點曾西好似你曾祖曾孫

夢攜酒樓

陳彥修有姬一夕夢少年攜上酒樓酣飲
少年執板歌以侑酒覺猶記云人生開口
笑難逢富貴榮華總是空惟有隋堤千樹

柳湑湑依舊水流東

雪和尚

永樂中京師大雪軍士於午門外將雪團
一和尚解縉見之題詩曰此僧從未入娘
胎昨日天宮降下來暫借午門投一宿明
朝日出往天台

題純陽像

說聽王文恪公濟之年十二能詩有以呂

純陽渡海像求題文恪援筆書云扇作帆
今劍作舟飄然直渡海洋秋饒他弱水三
千里終到蓬萊第一洲其大志已見矣

李陸相戲

陸式齋客在成化時留滯郎署最久其遷
職方也李西涯戲之曰先生其知幾乎曷
爲又入職方也式齋應聲曰太史非附熱
者柰何只管翰林耶

犯夜賦詩

宣德中有浪遊黃州者以犯夜爲太守究
因上詩曰舟泊蘆花淺水渚故人邀我飲
金卮因歌赤壁兩篇賦不覺黃州半夜時
城上將軍原有禁江南遊子本無知黃堂
若問真消息舊有聲名在鳳池問其姓氏
終不答守禮而釋之是必建文中行遯諸
臣也

祝沈對

祝枝山同沈石田出行見尼姑收稻自挑
祝云師姑田裡挑禾上和尙沉云美女堂
前抱繡裁秀才

成化對

成化初登極一士考選中書上命對云日
又明月又明大明一統士應聲云華也化
夸也化成化萬年上悅

古人對

陳洽八歲時與父同行見兩舟一遲一速
父因命對云兩船並行櫓速曾肅不如帆
快樊噲洽即云八音齊奏笛清狄青難比
簫和蕭何

四時四方

有才士偶成一對云冬夜燈前夏侯氏請
春秋傳久未有對者後請此仙以此問之

方對曰東門樓上南京人唱北西廂

典史對

有兩員吏候選典史欲南者得北欲北者
得南因相爭次選命對曰吏典爭南北南
方之強與北方之強與一典史對云相公
要東西東夸之人也西夸之人也問者絕
倒

楊一清

聖鄒集

卷四

三

楊選庵十二歲中舉至京國公尚書同設
席邀飲尚書國公齊遞酒兩盃因曰手執
兩盃文武酒飲文乎飲武乎楊曰胸藏萬
卷聖賢書希聖也希賢也

何燕泉

何燕泉孟春初時同父乘涼父命對曰駐
鼓螢燈甄騶簡荒堂夜夜元宵卽對曰螢
黃蝶拍鷓鴣詞香陌年年上巳

劉招山詞

劉招山作擊裙腰詞云山見嘉嘉水見清
船兒似葉兒輕風兒更没人情月兒明
合奏送人行眼兒簌簌淚兒傾燈兒更冷
清清遭逢雁兒又沒前程一聲聲怎生得
夢兒成

心字香

蔣捷有一剪梅詞云一片春愁帶酒澆江

上舟搖樓上帘招秋娘容與春娘嬌風又
飄飄雨又瀟瀟何日雲帆卸浦橋銀字箏
調心字香燒流光容易把人拋紅了櫻桃
綠了芭蕉按心字香外國以花釀香作心
字焚之

一子三教

陳湖朱野村陸天翼解升幼聰穎其父以
資窘欲送爲僧母欲送爲道士天翼志欲

爲儒有人出句試之曰一子難兼三教儒
釋道盡言爾志天翼卽曰七篇能中五魁
解會狀必得其名遂潛心肄業後入吳縣
學有聲庠序

日影詩

耳談載黃巖王仁甫古直遊京師視鄉人
於刑獄被逮並以置獄甘侵辱緘口不言
獨暴立烈日中不與衆囚伍刑曹主事李

廷美異之檢其衣帽得柯學士潛贈詩因
目爾能詩平使賦日影須臾詩成曰竊竊
散陽暉因物始成影萬象妍醜分一見妖
魅屏瓦雀成駒馳金鳥異蟬冷長夜照圓
扉宛孌正延頸廷美見其詩縱之歸長揖
出獄吏辟而笑古直名由此額其詩亦可
誦較之曹景宗競病句陳思王箋豆詩不
啻過之